

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Cosmographey oder beschreibung aller länder,
herrschaften, fürnemsten stetten, geschichten,
gebreüche ...**

Münster, Sebastian

Basel, 1564

New Europa

[urn:nbn:de:bsz:31-128510](https://nbn-resolving.org/urn:nbn:de:bsz:31-128510)



New Europa.

Es hat Ptolemeus nie son-
 derlichen Europā beschriben / aber man
 möcht auß der Lādtaseln die Europa begriffen, leichlich ein
 gantz Europam beschreibē nach Ptol. fürschreibung. Vns zu
 vsern zeiten ist nützer newe dann die alte beschreibung, sintē
 mal von Ptol. zeitē her groß veränderūg in disen vnd andern
 Lā idern verlauffen kan. Europa (wie vor auch zum theill ge-
 meldt ist) ist fast ein treffentlich fruchtbar Land, vnd hat ein na-
 türlichen temperierten lufft, ein milten himmel, vnd ist kein
 mangel darinn an wein vnd fruchtbarē blumen. Dar zu ist es
 ein schön Land, wol geziert mit stetten, schlossern, dörffern,
 vnd hat ein mannhafftig volck, das es übertriffē Asiam vnd
 Africam. Es wirt allenthalb eingewont von den menschen,
 außgenommen ein klein theil, do man keine halb nit wol ble-
 ben mag, gegē miltacht zu. Es seind etliche örter mit rauhen
 bergen vmbzogen, vnd do ist rauhe bleibung. Aber do e-
 eben ist, ist güt land, vnd wachsen do alle ding mit solicher
 überfluß, dz man den leuten in bergen domit zu hilff kompt.
 Europa ist reich an gold, sylber, kupffer, zyn, eyßen, besunder
 in Teütschland vnd Norwegien grabt man groß güt von syl-
 ber auß den bergen. Vngere hat das best gold. Kernten den
 besten stabel. Gwürz, edel gestein, wol riechend ding als vi-
 rauch &c. findt man nit in Europa. man bringt es auß
 Asia. Europa für andere Länder ist voll gam-
 mer thier, wenig schädliche
 findet man.

nach gelegenheit vnsern zeiten.



